

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KTK 0057217 24
Zenica, 23.04.2024. godine

OPĆINSKOM SUDU U ZAVIDOVIĆIMA
-Sudiji za prethodno saslušanje-
Z A V I D O V I Ć I

Na osnovu člana 45. stav 1. i 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ź N I C U
Protiv:

Č. M., neosuđivan,

što je,

u vremenskom periodu od 22.07.2023. do 28.07.2023. godine u Zavidovićima, kao službena osoba u Federaciji BiH, u svojstvu Javnog preduzeća „Šumsko privredno društvo Zeničko-dobojskog kantona“ d.o.o. Zavidovići, a na koji položaj je imenovan Odlukom Nadzornog odbora JP ŠPD ZDK d.o.o. Zavidovići broj ... od 14.07.2023. godine i Ugovora o radu broj ...od 14.07.2023. godine, s namjerom da sebi pribavi korist, svjesno iskoristio svoj službeni položaj i ovlaštenja koja su propisana odredbom člana 19. stav 1. tačka 3. i stav 2. Statuta JP ŠPD ZDK d.o.o. Zavidovići broj ... od 12.10.2017. godine, u kojem je navedeno da Uprava preduzeća organizuje rad i rukovodi poslovanje, zastupa i predstavlja društvo i odgovara za zakonitost poslovanja, te svjesno prekoračio granice svoje službene ovlasti propisane odredbom člana 2. Pravilnika o načinu korištenja službenih vozila JP ŠPD ZDK d.o.o. Zavidovići broj ...od 22.12.2015. godine u kojem je navedeno, da pravo na upotrebu službenih vozila za putovanje na posao i s posla imaju članovi Uprave, kao i odredbu člana 5 istog Pravilnika u kojoj je navedeno da se sva vozila poslije upotrebe parkiraju na službene parkinge ispred zgrada poslovnih jedinica, radnih jedinica i parking ispred zgrade Uprave, pa je i pored toga, za vrijeme korištenja godišnjeg odmora u 2023. godini koje mu je odobreno Rješenjem JP ŠPD ZDK d.o.o. Zavidovići broj ..od 21.07.2023. godine, bez pismenog odobrenja ili saglasnosti direktora JP ŠPD ZDK d.o.o. Zavidovići, koristio službeno motorno vozilo marke „Škoda Kamiq“, registarskih oznaka koje je u vlasništvu navedenog Javnog preduzeća u privatne svrhe za odlazak u Republiku Hrvatsku kojom prilikom je od strane granične policije Bosne i Hercegovine dana 22.07.2023. godine evidentiran pri izlasku iz BiH, te dana 28.07.2023. godine pri ulasku u BiH kojom prilikom je upravljao navedenim vozilom na graničnom prelazu Ivanica, pribavivši na taj način sebi korist u vidu bespravnog korištenja putničkog vozila Javnog preduzeća ŠPD ZDK d.o.o. Zavidovići, što je i htio,

dakle, kao službena osoba u Federaciji BiH iskorištavanjem službenog položaja i svojih ovlaštenja pribavio sebi korist,

čime je počinio krivično djelo „Zloupotreba položaja ili ovlaštenja“ iz člana 383. stav 1.
KZ F BiH.